



止 吳
錄 達
取

大興傅氏長恩閣鈔本

吳逆取亡錄

蒼弁山樵撰

康熙十二年冬十一月吳三桂自去其平西親王爵稱天下
都招討兵馬大元帥據雲南反偽檄所至叛者四起勢同鼎
沸越五年僭帝號旋殪又三年王師下雲南其孫世璠自歿
天下大定余轉側兵間瀕死而幸不死爰就耳目所及筆之
以見覆亡之禍實所自取使當日歸藩遼左克守臣節則帶
礪河山永保無彊之祿豈不懿哉三桂者故明武舉沈毅敢
戰少時逐一騎射之墮下馬欲取其首其人故佯死突揮刀
刃三桂中鼻故鼻左微凹目瞻視尊嚴隆準無鬚監軍太監
高起潛愛其勇認為義子屢以戰功得優敘不數歲授總兵

官鎮守甯遠其先世居徽州流寓遼東因家焉父襄由武進士起家官錦州總兵以援大凌河師潰削職後從征山東克登州復官洵擢京營都督歲甲申我

世祖章皇帝順治元年明莊烈帝崇禎十七年也春二月流賊李自成自秦犯晉畿輔大震議撤三桂兵守山海關為京師衛大學士陳演恐事平以棄地獲咎執不可越月賊鋒益逼始決計棄甯遠封三桂平西伯趣入援甫及關而京師陷襄降賊三桂聞變遂巡關西將赴降自成命降將唐通作書招之脅襄貽書敦促中有吾君已矣爾父命在湏臾及今早降不失通侯之位語有陳沅者字圓圓故吳妓美麗善歌戚畹周奎得之以進御莊烈帝憂勤國事不暇顧飭歸奎邸三

大興傅氏長恩閣鈔本

桂歆其豔請於奎奎盛飾奩具以贈三桂妻張氏貌寢而悍三桂頗憚之不敢攜沅行留居京都城陷為賊將劉宗敏所得三桂抵薊州襄使者至詰知襄被執笑曰是脅我耳我至即釋何患復問陳姬無恙乎使者以實告勃然曰大丈夫不能保一女子何面目見天下人遂反旆而東回山海關以討賊復仇布告遠邇繼恐賊大隊至眾寡不敵遣其副將郭雲龍楊坤孫文煥乞師於我

朝時睿親王率師西征中途得請允之自成聞三桂之來而復返也命偽丞相牛金星居守自率精銳二十萬挾莊烈帝太子王永定王及襄置軍中東擊三桂夏四月十八日及關圍之數匝睿親王兵亦至三桂哭圍出謁即壁中雜髮二十

一日戰於關西一片石賊敗明日復戰自成按轡登高岡以觀日將昃見我軍戴纓帽如萬朵紅雲風捲而西遽策馬走呼曰敗矣賊衆大潰奔回永平殺襄於城西之范家莊狼狽還京盡屠襄家並害太子二王二十九日焚宮殿出阜城門宵遁三桂追至近畿傳檄入都言奉太子至明臣之從賊而留京未行者備法駕鹵簿郊迎及登輦則辯而短後衣者膏親王也咸愕眙不知所為羅拜道左次日上箋勸進內院大學士范文程笑曰吾主已於去歲登極此皇叔攝政王也衆慚而退三桂知家屬被害憤甚不入城躡賊緊追又敗之望都真定間時尚未知圓圓消息也賊被追急盡棄所掠鎗重婦女疾趨山右三桂前部得圓圓於途報至大喜於營次設

大興傅氏長恩閣鈔本

錦幄鼓吹前導迎以歸逐北至固關班師為襄發喪乞贈卹得

旨俞允並授三桂為平西王旋從大將軍英親王征自成於陝西自襄陽武昌東下至九江而還

命赴鎮錦州時順治二年三桂年三十四居久之鬱鬱不自得求勦賊自效五年移鎮漢中與都統李國翰敗大同叛鎮姜瓖逆黨於延安榆林等府復征流賊張獻忠餘黨之擾四川者擊走孫可望白文選李定國等克成都敘州重慶駐師綿州部下恣淫掠巡按御史郝浴劾三桂驕縱觀望三桂怒誣浴欺罔冒功浴坐謫徙三桂敘功增俸子應熊張氏出也尚主為和碩額駙授爵三等子十四年

詔三桂為平西大將軍進征貴州師久無功還駐遵義先是可望等因明桂王朱由榔建號永曆稱帝於粵降附之尋與定國際定國奉永曆入雲南可望攻之不勝赴長沙軍前降入都具言雲南可取狀三桂欲自以為功亦具疏請命分兵三路平南大將軍信郡王經略大學士洪承疇由湖南取道貴州進征南將軍卓布泰由廣西進三桂由四川進十六年正月合攻雲南城永曆走永昌奔入緬甸三桂追至騰越州州西南百餘里即緬境中原地盡處也明將馬寶李如璧狄三品塔新策及景東等處土司俱歸順乃振旅還召信郡王洪承疇等回留三桂管滇事承疇將行三桂問自固之策承疇曰不可使滇中一日無事三桂謹受教承疇至

大興傅氏長恩閣鈔本

京即以巖疆難靖請授明黔國公沐英世鎮例移藩久鎮三桂遂奉

命鎮滇督撫均受節制是年元江土司那嵩叛三桂平之以其地為元江府嗣部臣以雲南歲需俸餉至九百餘萬議裁兵三桂奏言邊孽未除宜如舊並請發兵入緬疏言渠魁不殄有三患二難李定國等引眾四擾患在門戶土司反覆易被煽動患在肘腋投誠將士乘機生心患在腠理且滇中米糧騰踊耕作半荒養兵難安民亦難惟有勦淨根株庶克一勞永逸

詔如所請授內大臣愛星阿為定西將軍會同進師三桂檄諭緬人以出兵故令縛永曆以獻自率大隊由騰越出邊是

時永歷就食編人為所制與定國等隔絕不通已不能有所為移書三桂乞哀曰將軍新朝之勲臣舊朝之重鎮也世膺爵秩藩封外疆烈皇帝之於將軍可謂甚厚詎意國遭不造闖賊肆惡突入我京城殄滅我社稷逼死我先帝殺戮我人民將軍志興楚國飲泣秦庭縞素誓師提兵問罪當日之本衷原未泯也奈何憑藉大國狐假虎威外施復仇之虛名陰作新朝之佐命逆賊授首之後而南方土宇非復先朝有也宏光殄祀隆武就誅僕於此時幾不欲生猶暇為宗社計乎諸臣強之再三謬承先緒自是以來一戰而楚地失再戰而東粵亡流離驚竄不可勝數幸李定國迎僕於貴州接僕於南安自謂與人無患與世無爭矣而將軍忘君父之大德圖

大興傅氏長恩閣鈔本

開創之豐功督師入滇覆我家室僕由是遠渡沙漠聊借編人以固吾圉山遙水遠言笑誰歡既失世守之封疆苟全微命於蠻服祇益悲矣乃將軍不避艱險請命遠來提數十萬之衆窮追逆旅之身何視天下之不廣哉豈天覆地載之中獨不容僕一人乎抑封王錫爵之後猶欲藏僕以邀功乎第思高皇帝櫛風沐雨之天下猶不能貽留片地以為將軍建功之所將軍既毀我室又欲取我子讀鳩鴉之章能不慘然心惻乎將軍猶是世祿之裔即不為僕憐獨不念先帝乎即不念先帝獨不念二祖列宗乎即不念二祖列宗獨不念已之祖若父乎僕今日兵衰力弱煢煢孑立區區之命懸於將軍之手如必欲僕首領則雖粉身碎骨血濺草萊所不敢辭

若其轉禍為福或以遐方寸土仍存三恪更非敢望倘得與
太平草木同沾雨露於新朝惟將軍是命冀裁之三桂不荅
自木邦趨緬城師次舊挽坡緬人懼持貝葉文納款紹永歷
曰晉王李定國至矣請出就晉王軍並其太后馬氏后王氏
太子慈烜及公主公女等昇送三桂營順治十八年十二月
朔日也康熙元年正月捷

聞晉爵親王並

命貴州亦歸管轄三桂擁永歷還滇內大臣愛星阿議所以
處之三桂曰宜駢首愛星阿不可將軍卓羅曰彼曾為君全
其首領可也四月二十五日三桂命其將楊坤夏國相等進
帛於滇城之篋子坡太子等皆就縊復焚其屍遣送太后及

大興傅氏長恩閣鈔本

后北上中途均扼吭死明社之屋雖由闖賊然例以宋屋厓
山實亡於三桂手此後鄭氏負隅海外雖仍以永歷紀年其
實扶餘自王金鑪朱火自茲熄矣初三桂之追李賊也得所
棄貨無算既鎮滇黔復以水西土酋安坤迤東土酋王耀祖
祿昌賢烏撒土女酋隴氏等不靖削平之收其地分設大定
開化黔西等府州土官咸世襲厚斂多藏積數百年悉為三
桂有又徇西番蒙古意請於北勝州互市茶馬令人往普洱
及川湖產茶處所採運交易繼請以原籍沐天波莊田為藩
莊假稱濬渠築城廣徵關市權稅鹽井金礦銅山之利值番
苗自相仇殺輒以邊警入告歲糜餉銀千餘萬延不請核由
是富甲天下漸蓄異志揮金以要結人心賞賚饋遺動以數

萬計文武官之銓除到滇者陰遣私人誘令鬻身藩下給身價銀多者數萬少亦萬餘視其才為等差俾為已用所部將卒皆百戰之銳且多李自成張獻忠二賊部下窘感來歸者餌以厚利無不願効死力益思發難而無以為名爰即承厯所居五華山作新府重樓複道規制擬大內又為園於西郊外名安阜園因圓圓齒已長張氏亦老更羅致豔冶以歌舞自娛會平南王尚可喜鎮廣東自陳老病願歸藩遼左

詔從所請三桂於十二年七月亦詭請移藩疏入下廷臣會議有言三桂鎮服苗蠻不可移者有言撤藩後必多撥禁旅往守紛擾民驛宜仍令留鎮者獨戶部尚書米思翰兵部尚

大興傅氏長恩閣鈔本

書明珠等以邊陲靜晏三桂不應仍鎮雲南議上

特允三桂撤歸錦州

遣侍郎哲爾肯學士傅達禮齋

詔諭曰自古帝王平定天下咸賴師武臣力及海宇甯謐必振旅班師俾封疆重臣優游頤養賞延奕禩誠鉅典也王鎮守巖疆厥功懋焉但念年齒已高久駐遐荒眷懷良切故允王所請王其率屬北來慰朕眷注庶幾旦夕覲止君臣偕樂至一應事宜已命所司籌庇周詳王至即有甯宇無以為念並預給藩下官兵半年俸餉以便趣裝三桂初意要旨慰留可從容部署

命下愕然氣沮日與心腹將士吳應麒吳國貴劉茂遐方先

琛夏國相胡國柱衛樸等謀所以舉兵茂遐謂明亡未久宜立明後奉以為君老臣宿將當有願為前驅者光琛曰出關乞師猶可以力弱自解永歷已竄緬中必擒而殺之此不可解矣况功成之後萬不能終守臣節篋子坡之事可一再行之乎遂不用茂遐策哲爾肯等至滇三桂期以十一月二十四日行陰扼各關隘聽入不聽出先三日集所屬都統及四鎮十營總兵何進忠高得捷馬寶高起隆劉之復陶繼智廖進忠林興珠張足法王屏藩王會范齊韓等發兵反殺巡撫朱國治邀按察使李興元知府高顯辰同知劉崑脅之叛弗從幽繫之顯辰仰藥死興元崑徒置瘴地哲爾肯等被留提督張國柱總兵杜輝柯鐸布政使崔之瑛提學道周昌知府

大興傅氏長恩閣鈔本

馮甦等以下官並從逆三桂年六十二矣自稱都招討大元帥以明年為周王元年鑄錢曰利用通寶蓄髮易衣冠幟色用白步騎皆以白氈為帽先一年冬滇中雷電風雪一時兼作是年夏西寺塔頂銅鳳有聲鳴鳴數日不止又有異鳥來集展翼方丈餘狀貌醜怪博物者不能識其名人咸知為不祥而三桂不悟也川湖總督蔡毓榮得雲貴總督甘文焜報飛章告變

上以荊州為咽喉要地關係最重遣前鋒統領碩岱先率禁兵兼程往守以遏賊勢尋

授順承郡王勒爾錦為甯南靖寇大將軍統師繼進分命將帥選勁旅先後赴武昌西安漢中安慶京口兗州太

原諸要地供調遣

詔削三桂爵宣諭中外凡陷賊官員軍民或心存忠義不能自拔或被賊驅迫畏罪懷疑但能歸命輸誠悉赦已往不復究治其藩下人出仕各直省者雖有父子兄弟在雲南槩不株連治罪各宜安心職守無懷疑慮三桂子應熊尚主在京廷臣咸請逮治

詔且拘禁事平再議猶欲三桂悔悟自投曲賜矜全也賊將馬寶先驅至貴陽提督李本深應之貴州巡撫曹申吉總兵王永清崔世祿降賊總督甘文焜度不能支將十餘騎趨鎮遠冀扼賊東竄副將江義已受逆命以兵圍之文焜自縊賊進陷沅州辰州直逼長沙十二月朔日三桂偽署郭壯圖為

大興傅氏長恩閣鈔本

大將軍留守雲南自領胡國柱等東行歲杪至貴州十三年正月至鎮遠遣吳國貴王屏藩夏國相等分擾楚蜀犯陝甘江西致書平南靖南二藩要約同叛潛使間諜齎偽劄偽印四出煽誘於是四川提督鄭蛟麟巡撫羅森總兵譚宏吳之茂襄陽總兵楊來嘉鄭陽副將洪福長沙副將黃正卿廣西將軍孫延齡都統線國安提督馬雄陝西提督王輔臣靖南王耿精忠福建巡撫劉秉政總兵曾養性潮州總兵劉進忠副將張星耀温州總兵祖宏勳高州總兵祖澤清並從逆偽總兵楊寶蔭寇常德其父原任提督楊明遇為內應城遂陷三桂至常德具疏付哲爾肯傳達禮還奏廷臣以三桂疏詞狂悖怙惡不悛其子孫即宜凌遲處死以消內變

上念應熊久在近侍不忍加戮將應熊及子世霖處絞其餘
幼子免死入宮三桂聞之大恨自常德至松滋窺取荊州使
賊將劉之復高得捷等掠肇慶宜昌袁州分我兵力平南王
尚可喜之子之信亦受三桂輔德親王偽爵據廣州叛提督
嚴自明巡撫陳洪明總兵苗之秀等附之精忠復通使鄭成
功之子錦於臺灣招令渡海內犯時維畿輔河南山左右與
江南財賦之區尚宴然無事他如雲貴陝甘兩粵閩蜀湖南
江右及湖北之鄖均浙江之金衢江南之祁歙賊氛幾遍幸
賴

聖謨廣運先機獨斷賊未至而制賊之師先已在途或已蒞
止賊計漸窘未幾尚之信耿精忠王輔臣鄭蛟麟祖澤清劉

大興傅氏長恩閣鈔本

秉政曾養性劉進忠嚴自明苗之秀林興珠等先後反正孫
延齡謀歸順為三桂從孫世琮所襲殺鄭錦敗回廈門賊將
高得捷線國安馬雄劉之復等相繼死三桂妄冀得荊州後
非長驅北犯即順流東下乃五年之久卒不能越湖而北徘徊
嶽麓憤恚無所逞賊黨思悅其意相率勸進十七年三月
朔改衡州為定天府僭帝號建元昭武冊妻張氏為后應熊
庶子世璠為太孫加郭壯圖方先琛為大學士擢王公良巴
養元陳君極王緒李繼業等為將軍餘黨進爵有差將設朝
淫雨泥濘藉松針於地始克成禮既受賀有犬登其案而坐
三桂心惡之遂病噎繼以下痢口不能言八月十七日斃於
衡州賊衆匿喪不發請世璠奔喪郭壯圖力阻不行九月偽

后張氏死十月始發喪運柩回滇十一月世璠僭號改元洪化立郭壯圖女為偽后召曹申吉等入滇輔政申吉及羅森馮魁杜輝等各謀歸正事洩死十八年賊將吳應麒敗於岳州棄長沙衡州退守貴陽吳世琮死於廣西洪福郭義柯鐸咸輸款吳國貴中礮死十九年

召順承郡王還京以貝子彰泰為定遠平寇大將軍蔡毓榮為綏遠將軍同將軍賚塔穆占趙棟總督董衛國等協力進征王屏藩陳君極自殺吳之茂就擒揚寶蔭楊來嘉崔世祿李本深降譚宏死吳應麒為郭壯圖所縊賊棄貴州奔雲南大兵鼓行而前二十年二月薄雲南城世璠以圍急召馬寶胡國柱夏國相等歸援國柱窮迫自經王緒焚死寶與國相

大興傅氏長恩閣鈔本

王永清江義巴養元王會高起隆張足法李繼業等乞降城中樵採路絕人相食十月二十八日世璠御偽殿刎頸不殊再刃乃死偽后郭氏殉焉壯圖闔室自焚偽將軍何進忠線絨等開城迎大兵入雲南平擒方光琛磔於市戮世璠屍函首馳獻逆產親屬俱籍沒緣坐馬寶等以次伏誅析三桂骸骨傳示天下距謀叛時恰八年云

大興傅氏長恩閣鈔本

明季遺聞拾遺

雲南緬甸

江左鄒 漪流綺輯

辛卯張獻忠舊將定北將軍艾能奇病故孫可望悉收其部
 曲聲勢益強永歷內閣嚴起恒總督楊鼎和及科道官追論
 陳邦傳矯詔胡執恭改勅印之罪可望令都督賀九儀等往
 南宣護駕盜殺嚴起恒等以洩追論之憤楊畏知既脫虎口
 不欲還黔永歷留以為相可望怒差指揮鄭國于永歷處拏
 畏知回黔殺之令賀九儀張勝張明志移置永歷於安龍所
 改所為安龍府令范應旭知府事凡永歷及隨侍文武支糧
 提塘章應科與應旭造冊開皇帝一員皇后一口餘可概見

又令李定國犯廣以馮雙禮陳國能隨之揣可望之心以定國勝則姑以崇功死則借以除患敗則可以加罪不意突破廣西子女玉帛不無私厚雙禮國能歸報可望即調撤定國定國疑中讒不赴封西寧王定國亦不受可望以馮雙禮為興國侯率兵往擒雙禮敗歸可望恐迫則生變仍善養定國家口于雲南四月

大清命總督陳 固山金 提督田 總兵張 提調江南浙閩三省水陸兵馬征海初王朝先之殺黃斌卿也盡得其陸兵其後竟欲吞張併阮勢同水火不一年被張名振襲斬之陳首祭斌卿靈前朝先標將張濟明呂廷詔來投誠告以虛實至是遂分兵六路入海七月魯王聞報會議堵禦之策

大興傅氏長恩閣鈔本

阮進獨當定海關張名振率張晉爵葉有成馬龍阮驥阮美方簡等過南師張煌言阮駿率顧忠阮辭鮑國祥羅蘊章等斷北洋差任麟監督留定西中軍金允彥巡城主事邱元吉總兵劉世勳馬泰史文龍解龍等守城南北師皆倖勝獨定關大霧連日咫尺不見八月二十一日大兵冒霧出突觸進船擒進進被火藥所傷鬚髮皆禿督院令昇進招撫城守將士不從攻之不下九月初一日金允彥邱元吉因火藥盡跳城降攻益急夜分星隕如雨光芒燭天遠近大駭明午城破時張名振阮駿會兵火燒門外來救離城止隔七十里候半時潮長即可進發突見城中火燄大作士卒喪膽遂去錦衣揚清李向榮總兵馬泰副將軍登雲杜芳夏霖沈雲曹維周

張聖治率兵民巷戰死宮眷俱投井死世子六歲被獲去名
振兄名甲名揚同母妻內姪馬貢圖呈圖等闔門自焚死大
學士張肯堂具冠帶焚香北拜同夫人二寡媳共七人俱投
縋遺絕命詩三十韻禮部尚書吳鍾巒書絕命詞於笏藏所
著易經于懷雉經死學宮聖位側吏部侍郎朱永祐被執往
見督院陳陳曰文丞相尚有黃冠歸故鄉之語先生何不即
薙髮回籍朱曰此頭可斷此髮不可剃遂占詩有云縱使文
山仍在日也應無髮戴黃冠之句請死益力即跌坐受戮兵
部尚書李向中被執大罵不屈慘死安洋將軍劉世勳自刎
死定西幕賓生員顧明楫衣巾走入太祖享廟題詩壁上有
云愁魂應傍孝陵歸之句大哭扼吭死祀祭司主事董立職

大興傅氏長恩閣鈔本

方主事李開國俱先驅妻子入井自投井死儀制司主事張
家璧投城下不死督院命作重九賦援筆立成其文詞詩曲
甚多督院命訪其稿太醫院章錦定西監軍御史梁隆吉手
刃全家自刎死中書顧玠范宸宸江中沉陳所學顧行俱全
家自焚死定西監軍副使馬昌自刎死熊孫朱沈各眷發回
原籍給還半產皆寬政也按舟山唐曰瀟州宋曰昌國縣西
隔蛟門二百二十里東離補陀四十里長百二十里濶七十
里戶田九萬畝塗田三萬畝俗朴地饒亦海外一天舟山既
歸版圖命田喇高守貴守之未幾以病告陞中軍巴成功代
之壬辰三月孫可望以成都叙府重慶各要地皆
大清平西王吳王三桂同定西將軍開復令劉文秀領兵復

四川三桂屢敗撤兵回保寧文秀追至保寧大戰文秀敗數萬眾俱膏鋒又擒都督王復臣正法文秀單身逃命可望責令投閒文秀之嫌始此永歷在安龍日益窮蹙密與內監張福祿全為國言秦王待朕無人臣禮朕欲撰一密勅馳賚西藩行營冀其出朕於險汝二人辦得此否福祿等承諭口舉共事職名永歷許可遂與內閣吳貞毓等撰勅碍文安侯馬吉翔密奏永歷命吉翔往祭二陵初張名振自敗兵後收合餘燼往依鄭成功成功深器之遂指腹結姻助兵二萬糧三月初統兵渡舟山大洋哨船折桅偵探副將趙賢令追客船奪其桅其船入金塘山人皆棄船走內一人與趙相識言金大廳在此趙一面飛報名振率眾縶其山獲金允彥振令磔

大興傅氏長恩閣鈔本

之齏其肉遙祭死事諸公隨札崇明破京口截長江振登金山寺題詩有十年海外一孤臣之句五日退平洋沙于是平原將軍姚志卓誠意伯偕男劉永錫等咸依振十一月永歷以林青陽充使命繼差周官復往李定國處癸巳三月孫可望自督兵至岔路口

大清兵擊敗遁歸又以劉文秀為安南王掛招討印領兵犯常德亦敗歸可望令文秀回雲南駐鎮馬吉翔自以陵差日久密偵行在舉動值劉議新自行營至南寧府晤吉翔云上

有密勅與定國先差李林青陽次差周官見在定國處款待甚優又言定國接勅後感激流涕不日就要統兵到安龍迎駕吉翔懼差指揮周景龍赴行在令劉議新具疏報定國接

勅感激以實其事又計激提塘王愛秀報可望可望大怒差鄭國于南直租鎖吉翔陰實厚待令與行在官對理密勅事夏張名振被譖撤回廈門與鄭成功語竟日至夜分甚暢更益以六軍之衆差平南伯陳輝慶都伯王秀奇忠靖伯洪旭同後鎮總兵周全彬監督王欽李應英傑林世傑等北上途遇颶風折兵十之二三仍轉三山沿山被掠甚慘惟名振全營無恙復札崇明平洋沙糧幾絕振與士卒同餓衆感激有太師甘枵腹吾輩竟忘饑之謠得不散十二月初一日崇明駐防步騎兵民共萬人入平洋沙名振勵衆交鋒浴日將軍王善長挺矛獨戰姚志卓任麟王有才督內司百人繼之大兵札夾塘兩傍皆深溝且大凍一敗無雙隻遺名振兵勢復

大興傅氏長恩閣鈔本

振甲午正月初六日名振再入京口舟薄觀音門四日退孫可望遣鄭國王愛秀見永歷云李定國忘恩負義國主待他不薄乃敢私通朝內奸臣脅勅要封今林青陽周官拏至貴州皇上曉得是那幾個臣子做的臣等好回覆國主永歷言此事裏邊臣子必不敢做但數年來外邊假寶假印勅儘多鎮臣還要密訪鄭國等怒目而出至朝房云我們要回貴州爾們怎麼說內閣吳貞毓云學生們實不曉得三月初六日鄭國等將吳貞毓等於朝房械繫而出又帶兵入宮拏內監張福祿全為國宮中大震其黨冷孟銜等奏永歷快將密勅情由認出是那幾個不然危在旦夕永歷言汝等偏朕認出朕知是誰汝等曉得何不直說悲憤而退鄭國將貞毓等

明季遺聞補遺
考訊始昭承某主謀中某草勅某盜寶供吐既悉請永歷裁
斷永歷不得已付廷臣公議以盜寶矯詔欺君誤國為案擬
刑科給事張鐫內監張福祿全為國凌遲翰林蔣乾昌李元
御史李頌胡士瑞部司徐極楊鍾趙賡禹蔡縮續鄭允元周
允吉朱議臬朱東旦任斗墟易士佳棄市吳貞毓以內閣大
臣賜絞皆賦詩投法以安永歷夏月南風競鄭成功令偽戎
政司馬陳六御程應璠督率前兵抵平洋沙攻崇明不克姚
平原死之旋犯吳淞關掠戰艦二百號秋八月撤兵攻舟山
已成功中軍陳虎力戰慘死已成功遂降名振徒步俯俛哭
入城祭其母哀動三軍大作佛事七日夕宜波城守副將張
洪德遂攜眷投振尋為義子乙未李定國避粵東寇新會為

大興傅氏長恩閣鈔本

大清朱將軍擊敗僅存殘兵二千十二月鎮守台州副將馬
信反投振不之信即以母為質許之撥沙船五百號陳六御
張煌言總兵張弘德虞允昇任麟等往接振隨寢疾馬信大
肆劫掠城中財帛婦女為之一空哀號震天縣官懷印自縊
張巡道劉知府俱被縛送舟山至二十八日將及見振不果
成末有大星隕海光如飛電有聲夜分定西侯張名振起坐
擊床大呼先帝數聲而死丙申正月以陳六御代振任眾不
服多散去二月初三日舟山城哭三日夕聲若風箏而咽李
定國將奔回安龍孫可望恐定國以永歷為奇貨亟遣心腹
葉應禎隨白文選往安龍探定國動靜即逼永歷移黔永歷
合宮慘哭文選亦為泣下遂以定國無他志報可望及定國

見永歷即挾之行可望謀奪永歷復遣文選至曲靖府文選意在永歷與定國一同護行劉文秀與可望部下都督王尚禮王自奇賀九儀等守滇文秀聞定國挾永歷回滇陽與尚禮等密議勒兵守城自以數騎會定國云我輩將以秦王為董卓但恐誅卓之後又有曹操定國指天誓日文秀迎歸雲南即倡言秦王若尊永歷我輩當尊秦王未幾封李定國為晉王劉文秀為蜀王艾能奇之子承業為鎮國將軍管延安王事以定國辦事金訥維新為行在薊寧侍郎兼都察院龔銘為行在兵部侍郎白文選為鞏國公王尚禮為保國公王自奇為夔國公賀九儀為保康侯馬吉翔工彌縫仍以文安侯入閣辦事遣鞏國公白文選往黔令可望赴滇保駕將錢

大興傅氏長恩閣鈔本

糧歸之永歷兵馬交定國文秀經營川廣可望以妻子尚在雲南忿衷不敢露六月

大清命大將軍宜提督田統師復舟山戒嚴甚陳六御令平其城至南門得信國公湯和所埋碑八月二十四日

大清兵出稍不利二十六日復戰阮駿大舟膠淺不得脫劉永錫跳水死陳六御張弘德往救俱自刎死張晉爵乘名振大座駕可容八百人截橫水洋大戰兩日傷眾殊多孤軍力竭以火藥自焚死太常少卿陳九徵被執不屈斬之十月十三日大鯨敗抵壺江嶺崎等處以偽行軍司馬張英代六御英驕矜自是人心互解不可收拾去丁酉春永歷令可望部下留滇護衛東昌侯張虎送可望妻子赴黔又賜虎金簪一

枝令從中開導虎既回黔詐言永歷賜簪密令行刺以媚激
可望時可望妻子已至黔中無復顧忌遂大言永歷負義定
國文秀謀反追白文選鞏國公勅印文選之嫌始此夏孫可
望決意攻滇有馬寶馬惟興與白文選密議乘機反正言于
可望云白文選受恩有年昨在滇受封屢辭不允亦出無奈
今重加爵賞用為總統必定感恩圖報可望即以馮雙禮守
貴州封白文選為征逆招討郡王總統兵馬可望親詣交水
定國文秀方揣勢遲疑忽文選來歸即請封白文選鞏昌王
九月遣內閣文安侯馬吉翔視師同定國文秀等于十四日
至三岔躡交水二十里下營可望因總統之變欲引兵回黔
馬惟興馬寶等船言逃文選不過一人有他不多無他不少

大興傅氏長恩閣鈔本

儘這兵馬做個明白可望大喜密議安定侯馬寶臨潼侯武
大定漢州侯張勝等率勁旅四千由尋甸間道攻襲滇省可
望仍于交水索戰令首尾不能兼顧馬惟興馬寶於十八日
之夜各差心腹將可望密議報知定國等且催速戰定國等
即于十九日交鋒直撲馬惟興惟興等內應餘悉瓦解可望
逃回貴州即遣其大理卿楊惺先奔赴經略軍前投誠李定
國回滇省於渾水塘收馬寶擒張勝剝其皮文秀文選追可
望尚遠馮雙禮詭言追兵已到促可望攜家口前奔自請斷
後掩其玉帛可望至長沙經略疏聞

大清封可望為義王十一月李定國以黔蜀辰沅鎮將皆可
望所設悉調赴雲南核功罪封馮雙禮為慶陽王馬進忠為

漢陽王馬惟興為叙國公馬寶為淮國公賀九儀為廣國公
可望部下德安侯狄三品岐山侯王會荆江伯張光翠等降
級有差戊戌正月

大清命平西王吳三桂偕定西將軍墨勒根蝦由四川一路
合荆州起行之宜南靖寇將軍羅托湖廣一路征南將軍趙
布太廣西一路定于二月二十五日三路出師先取貴州命
信郡王自都門統領大兵入黔仍分三路進取雲南換宜南
將軍回荆州彈壓初江西吉安人鄧凱同楊廷麟萬元吉等
建義贛城後諸公俱死而凱獨東西逃竄至至是完髮冒險
入滇見永歷陳歷年苦衷永歷云鄧凱完髮間關入告足見
忠勞准留隨扈三月吳三桂由沔縣戴安宜羗至朝天驛順

大興傅氏長恩閣鈔本

流擊楫初四日抵保寧府集舟艦載軍糈預揣重慶水陸交
衝請以副將程廷俊為重慶總兵設水陸官兵五千初七日
起營過南部西充猶見數家烟火自順慶而前大路拱棘叢
生箐林密布雖鄉導莫知所從惟描踪伐木伐一程木進一
程兵十四日至合州儼同鬼域蓋彼此所不到也重慶總兵
杜子香以輕舟哨至合州江口按此江北自陽平合瞿河以
至合州南有綿州一江橫出於合江面寬濶水勢洶湧吳三
桂同墨勒根蝦揮甲兵跨馬涉江杜子香騰重慶分水陸奔
逃三桂軍由銅梁壁山來鳳白石進發凡駐營帳房左右滿
地頭顱皆張獻忠及搖黃十三家所戕殺者苦鬼力牧馬見
有廬舍入視則殘書壞券與糜爛之軀具在沿路惟山花自

放杜宇哀鳴而已四月初三日

大清兵至重慶重慶為明王珍負固之地鐵壁金城足稱天險左有合州之江右有瀘州之江匯流而瀉夔關時蜀楚界中如房竹歸巴大昌大寧有塔天保郝搖旗李來亨袁宗第党有素守賀珍施州衛有王光興長壽萬縣有劉體純譚詣譚弘譚文向希堯達東有楊秉胤徐邦定等結連嘯聚三桂俱未暇過問以永寧總兵嚴自明全鎮兵馬留重慶與新設總兵程廷俊合防固根本調陝西砲火裕城守蜀王劉文秀病故十三日三桂搭浮橋渡黃葛江歷東溪安穩松坎新站夜郎其中如滴溜三坡紅關石壺關上則摩於九天下則墜於重淵節節陡險一夫可守李定國預遣將軍劉正國率兵

大興傅氏長恩閣鈔本

象據險設伏二十五日

大清兵抵三坡劉正國由水西逃奔雲南將軍郭李愛劉董才王明池朱守全王劉倉總兵王友臣等以五千官兵家口併象投誠三十日收服遵義遵義古播州地先是土官楊應龍以叛明改土為流設遵義軍民府五月初三日

大清兵自遵義由新站烏江養龍息烽札住會寧南將軍於貴州十一日回息烽襲將軍楊武大營于開州之倒流水回遵義有水西宣慰使安坤酉陽宣慰使冉奇鑣蘭州宣撫使奢保受等投誠王友臣之父興宜伯王興以其子首先歸順遂親詣軍前繳勅印三桂賜以盈甲名馬破常格七月初二日新津侯譚弘仁壽侯譚詣涪侯譚文率眾架船犯重慶敗

道回巢廣西一路征南將軍趙布太與提督線國安抵獨山
州二十八日定西將軍墨墨勒根蝦以病卒于遵義時
欽使口傳

上諭克服貴州如雲南機有可乘大兵馬匹得行得即乘勢
進取不必候

旨如大兵馬匹疲弱候信郡王到日三路進取雲南宜南將
軍駐貴州俟開服雲南回荊州三路兵遂各屯兵養銳吳三
桂深以重慶為慮調四川巡撫高民瞻于重慶彈壓又調建
昌總兵王明德赴重慶協防檄永宜總兵嚴自明侯王明德
至重慶即領所部官兵赴遵義厚重遵兩鎮之防固川黔一
線之脉值信郡王統大兵入黔境先以咨約會商三桂自遵

大興傅氏長恩閣鈔本

義馳六百里至平越府之楊老堡十月初二日平西王吳三
桂同信郡王征南將軍趙布太經略內院洪承疇等會訂師
期晉王李定國受黃鉞同王公侯伯將軍馮雙禮等悉眾拒
盤江河躡鷄公背謀犯貴州相違咫尺鞏昌王白文選同侯
伯將軍竇名望等四萬餘眾守七星關直抵生界札營離遵
義一日之程示犯遵之勢牽制應援以助定國恢黔之舉三
桂遂兼程回遵義夫前此數月平西王駐遵義征南將軍駐
獨山州信郡王在武陵惟宜南將軍駐貴州當大兵未合之
際定國觀望逡巡及楊老堡刻期會剿定國始秉鉞而出可
笑也十一月初十日吳三桂自遵義出師白文選十二日五
更自生界遁回七星關守險此關兩山壁立水勢洶湧其水

下流以烈從山下伏流以瀉於不可窮詰之區山上樹木參
天名曰天生橋其實未嘗有橋三桂先在遵義厚養鄉導十
二月初二日於水西苗獠地方以烈安營不露向往次晨忽
由天生橋抄烏撒軍民府扼七星關大路反出白文選後文
選偵

大清兵從別路越險進兵棄七星關走可渡橋即焚橋走霽
益州思奔雲南顧家口李定國見信郡王中路大兵前進即
退回盤江河又報征南將軍廣西一路甚急自領部衆堵禦
定國連敗於安龍之羅炎河凉水并撤在寨踉蹌奔回挾永
歷並宮眷大營于十五日騰雲南走永昌府永歷召鄧凱諭
曰爾忠義老誠可隨護東宮入緬即賜銀百兩鼎爵一東宮

大興傅氏長恩閣鈔本

每遇險阻俱凱下馬扶挽白文選間道飛奔大營定國留文
選駐守王龍關蓋永昌之要路也三桂至烏撒剿白文選餘
衆收降丁象隻設官安撫畢涉可渡橋出交水大道會信郡
王征南將軍于板橋己亥正月初三日收服雲南公侯伯將
軍鎮將胡一青等土司總兵龍世榮等歸誠是時大兵雲集
鎮靜為難益以投降之衆逃竄之兵掠人口資糧無所不至
信郡王駐鎮省城以多羅貝勒尚善領中路兵馬訂定師期
三桂于初八日移營羅次縣先是奉
旨以蜀撫高民瞻回保益顧川北陝川總督李國英赴重慶
一來一去彼此在途而三譚悉衆再犯以設備嚴密不克而
潰于是自相猜忌室內操戈引詣殺譚文自效

上封諱弘為慕義侯諱詣為向化侯慶陽王馮雙禮德安侯
狄三品與白文選部將王安等持文選金印金章過金沙江
逃往四川建昌衛三桂發檄招撫密授狄三品方畧且諭川
南諸將歸誠二月初二日吳三桂自羅次出師趙布太尚善
自雲南出師初九日至鎮南州合兵殺總兵王國勳等於普
湖又追殺白文選等于玉龍關之西獲鞏昌王金印追至瀾
滄江潰兵燒毀鐵索橋

大清兵札筏過江十五日李定國自永昌發永歷併宮眷大
營奔騰越州十八日吳三桂同趙布太收服永昌府士民焚
香出迎撫畢即嚴師前進戒無侵擾而後到兵馬漁同竭澤
二十一日

大興傅氏長恩閣鈔本

大清兵札筏渡潞江江面不寬水氣甚惡其地每自清明至
霜降有青草瘴凡往來雖土人亦患之過江二十里有磨盤
山所入之路坎陡箐深屈曲僅容單馬定國築柵數道左右
設伏親自督兵將一洗從前慘辱而甘心焉時自正黃旗下
逃人從伏中逃出口報情刑大兵入柵即以鎗砲驚起伏眾
而奮擊之殺泰安伯竇君望等定國于夜半奔逃初永歷於
十八日到騰越二十日長行時護駕者靳統武其兵即孫可
望舊兵也二十四日將下營火未炊楊武營先到陳說各營
俱散軍情甚迫司禮李國泰內閣馬吉翔因輜重甚厚恐有
他虞催駕即行以不識路徑黑夜奔竄乃致臣不顧君父不
顧子夫妻子女各各星散惟見火光接天雖竟夜旋轉至天

明仍在原所文武等行囊悉搶一空而永歷貴人宮女半為亂兵所掠獨吉翔國泰輜重毫無所失二十五日早始得路徑文武等相繼進發又被孫兵橫截致首尾不應者悉被所困而遇害矣新統武乃枉道私去

大清兵收服騰越州過南甸追至孟村離騰越百有十里為雲南迤西盡界外即三宣六慰緬甸乃振旅班師二十八日永歷入緬關緬官令各從去弓刀兵器云勿驚動百姓眾弗允吉翔即傳旨諭之眾遵是日抵蠻漠緬人迎貢頗有禮二十九日往札沐國公與皇親王維恭典璽李崇貴等議曰我等可衛東宮進茶山上不妨入緬且可在外調度各營即上入內亦可無虞中宮不允三十日即行三月初一日永歷至

大興傅氏長恩閣鈔本

河濱僅得船四隻止可應上用文武等各走小河買舟難覓緬人曰可引馬由旱路去船到彼亦到矣各文武在騰越不下四千時點止一千四百七十人登舟者僅六百四十六人馬九百四十餘匹從陸路而行初四日吉翔國泰二人不顧太后大營並眾舟即解維先發太后大怒曰二奸賊連朕不顧深可痛恨陷我子有不孝名罪可磔也初六日長行十一日抵啞哇城一路延捱二三十里即住十八日至井梗緬官阻令勿下二十一日緬官來報我兵四路而來請勅止之是晚會文武于永歷舟議誰可去各相推鄧凱乃奮言曰主上今日至此一死何辭凱願往時行人任國璽亦願同往勅書將下吉翔恐凱二人前往暴其所短私語緬人曰此二人

無家小去則不來矣既而報各營已去乃不果行二十四日
緬王來請二大臣過河說話時差馬雄飛鄔昌奇前去緬王
亦未見惟通事傳言問說神宗時所頒勅書其實差分寸疑
以為假出沐公國公印相對乃信彼地以神宗二十二年國
亂來滇請教朝廷未允是年即絕朝貢閏三月十一日
大清兵抵姚安府東閣大學士張佐宸戶部尚書龔彝兵部
尚書孫順侍郎萬年策都察院錢邦芑少卿劉泌兵科胡顯
等一百五十九員先後投誠德安侯狄三品等先受吳三桂
方畧以慶陽王馮雙禮並金印冊赴軍前二十三日
大清兵還至昆明景東土知府陶斗蒙土知府左星海麗江
土知府木懿等暨各土州縣投誠延長伯朱養恩總兵龍海

大興傅氏長恩閣鈔本

陽吳宗秀自四川嘉定州走雪山至雲南投誠白文選部將
王安等自四川建昌衛至雲南繳白文選蕩平大將軍金印
心膂藩臣金章將軍郝承裔廣平伯陳建毅咸宜侯高承恩
自雅州至雲南投誠宜國侯王友進總兵杜友子香陳希賢
等烏撒土知府安重聖東川土知府祿萬兆烏蒙土知府祿
世孝鎮雄土知府隴弘勳等俱自川來歸會奏全滇開服三
桂又以馮雙禮請

旨待以不死着解京安置續封狄三品為扈誠侯餘各差等
授級其為李定國畏迫出邊今先後來歸如大學士扶綱兵
部侍郎尹三聘翰林劉蒞貴州布政朱企銖等准國公馬寶
叙國公馬惟興武靖侯王國璽懷仁侯吳子聖宜川伯高啟

隆公安伯李如碧陽武伯廖魚都督王朝欽總兵單秦徵已
故漢陽王馬進忠勅印將軍楊武繼永歷母皇太后金寶一
顆至滇民離散斗米三兩

上命發帑金十五萬兩賑滇黔沐國公綏宜伯蒲縵等共集
於大樹下謀議沐曰緬首待我等一日不如一日不若就此
處去烏撒孟良等處去罷吉翔曰如此我不管把皇上交付
爾們眾皆無言而別及探陸路者云白文選兵馬二月初五
六日抵啞哇城下迎駕不遇然相去不過五六十里亦不探
虛實惟以焚殺搶掠為事虐害之慘不可勝言各人飽囊而
去十七日陸路人等方到啞哇隔河離城五六里下營緬王
疑曰此非來避亂是將圖我地方此裏應外合之計也因發

大興傅氏長恩閣鈔本

兵圍之傷損多人餘則分散各村住札晉王總兵潘世榮降
緬王通政司朱蘊金翔中軍姜承德各縊而死四月蠻漢來
報有我兵來迎駕姓祁克不可當又要請勅阻之夫馬行糧
俱備請速發吉翔見來意和柔又有行備乃舉錦衣衛丁調
鼎考功司楊生芳往五月望後方歸歸則丁調鼎加五級楊
生芳轉文選司郎中吉翔反昧心與緬隘官勅一道內云朕
已航海赴閩後有一切官兵都與我殺了五月初四日緬王
差兩王備二三龍舟鼓樂來迎初五日離井梗初七日到啞
哇城對河扎營初八日進者梗蓋中房十大櫚上居將竹作
城每日百餘兵守護各人自備竹木結舍初九日進貢甚厚
永歷亦賜緬厚禮緬官却曰俟我稟過王子然後行之乃止

緬婦每日貿易如市各人以為太平無事中國禮貌盡棄有
薪蔬異物各各恃勢相搶大臣輩皆短衣跣足混入緬婦買
易坐地談笑緬官都笑曰原來天朝大臣如此規槩安有不
失天下者乎行人司任國璽乃上疏設一廠每日各衙門舉
一官鎮之勢妄者仍如故內有私隙者借端細打乃曰奉旨
每晚派各員巡更惟尋知己成隊前則張燈后帶多僕攜棋
子雙陸過處快飲而已八月初八日

大清遣兵部尚書覺羅伊圖左都御史能吐武英殿學士麻
遜吉至雲南查男婦還給民間者甚眾十三日緬酋來請沐
國公過河併索前禮蓋緬俗以八月十五日各蠻來貢要張
聲勢沐至彼令跣足以緬禮見沐乃喪志屈膝焉歸則泣告

大興傅氏長恩閣鈔本

曰我所屈者為保全皇上稍若執抗不知作何狀矣禮部楊
在行人任國璽各上本劾之本留中是月永歷病暈日夜叫
苦不已而諸臣在外東西南北高結四亭每日歌飲全然不
問中秋夜吉翔國泰等飲皇親家乃曰爾家有好梨園借出
一樂何如內有老旦係廣東人黎應祥曰此間去宮不遠且
上不安此何等時候就殺我也不敢翔泰不悅痛責老旦而
散永歷聞之怒曰爾等目雖無君皇親亦當念在孝服不可
如此乃止蒲縷居西華門大開賭場晝夜呼喊不絕一日皇
親與太監爭賭大毆碎衣裂帽旨下方釋永歷怒着錦衣衛
將房屋折毀東折未已而西復造成仍賭如故九月十九日
緬人進稻穀以給各窘乏者馬吉翔據為己物悉散私愛鄧

鄧凱見不忿于朝大罵時有吉翔旗鼓吳承爵將凱一推失
跌起則不省人事救醒後竟成跛疾是月羣臣請造曆日乞
行李定國假永歷勅印將土司概加勳爵使為內應元江土
知府那嵩受總督銜為定國密傳勅印各土司有被惑者有
兩可觀望者有知其不可而自首時吳三桂已奉

旨駐鎮雲南乃延長伯朱養恩將軍高應鳳總兵許名臣土
司總兵龍贊陽等前已投誠復與元江合謀內應二十一日
三桂自雲南出師至石屏州土司總兵龍世榮率贄贄婿黔
國公之子沐忠顯赴軍前那嵩等負固元江不服十月初六
日三桂令滿漢大兵圍其城挑壕重困十一月初六日破元
江那嵩合室自焚屠其衆數十萬十二月初六日信郡王赴

大興傅氏長恩閣鈔本

京三桂旋師雲南庚子七月緬酋又請沐國公過河沐辭不
去緬使曰此番不似前局可冠帶而去去則優禮相待乃知
各營將近緬城九月晉王李定國具本迎駕內云前後三十
餘本不知曾到今與緬王相約何地交通而諸臣在內只圖
安樂全在開節出險緬官求勅一道去訖外候久無消息乃
拔營而去旬日後探問緬官消息云此輩真賊心全無為主
實念只在各村焚劫害及地方只恐天未誅他時有潘璜者
能習緬語各處探聽即來報永歷然璜年雖幼而心甚險每
飾巧語哄悅永歷吉翔以一女許之又多受翔之屬今日說
某營扎某處次日又報晉王將到止離百里永歷每厚賜之
吉翔婚禮部侍郎楊在不時判訖要各官禮拜判曰某兵即

日可到某人反了翁婿欺上惑下奸惡種種恐晉王來時攻其過惡日舉升轉之局籠絡文武入套者我要某職我要某銜俱稱門生御史鄔昌琦初在蠻漢時翔奏曰鄔某忠貞行囊蕭條永歷賜金二兩陞河南道掌六科事為吉翔心腹門生烏撒知府王祖望乃晉王藩下人頗知醫道一日中宮有恙用藥稍愈吉翔畏其亮暴以禮部主客司許之吏部不解其意以戶部浙江司補之祖望辱罵吏門之門旨下該部再議吏部以翔所許官覆之方免爭鬪一日吉翔奏外有大臣三日不舉火者永歷不信次吉翔國泰合奏永歷怒擲皇帝寶命掌庫太監李國用碎之國用叩頭曰臣萬死亦不敢碎次日翔奉竟鑿碎散給各私愛者不分窘裕永歷怒罵曰馬

大興傅氏長恩閣鈔本

吉翔李國泰二奴才爾要收門生把朕寶做人情所給散各官內有無恥輩連日打牌賭棋輸則出錢痛飲醉則裸體露醜爭打嘔吐而別吏部侍郎鄧士廉係進士出身年已六旬一味柔軟特陞吏兵二部尚書吉翔曰某人該陞答曰然某人該降答曰然其所居離宮數步每夜同妾暢飲呼板高唱全無忌憚敬吉翔過於敬永歷希圖拜相而已翔之弟雄飛助翔為惡大小事不先通知即不得出翔婿楊在亦然上年任國璽一本請東宮開奉旨秋涼舉行過期年餘國璽私語於翔一日旨下任某有何書進來覽璽將宋末賢奸利害纂成一書進之吉翔暗恨不已永歷覽過一日國泰即為袖出辛丑二月二十八日鞏昌王白文選密遣緬民賫本至內云

明季通牒抄遺
不敢速進者恐為患害必要送他送出為上策即回璽書甚
切不五六月離本處止六七十里搭浮橋準備數日後緬兵
又將浮橋斬斷三月間有暗地敵血謀欲搶出東宮殺翔泰
二人取路而出二人知覺奏永曆云有人結盟投緬着錦衣
衛密查內沐國公家一名姓李王啟隆家一名何愛即時各
令其主處死四月蒲縷索吉翔在滇過付銀兩吉翔不允縷
聲言其故乃知沅江土府幹討總督勅印要開緬甸為一省
恐有不測可作退步議銀八千兩吉翔欲獨吞不與國泰通
以致事不得成蒲縷先為土官代出百金眾議還一半方釋
五月吉翔國泰每進宮賜坐半日方出問則曰講書時江南
道任國璽一本為時事三不可解上年科臣請開講期年不

大興傅氏長恩閣鈔本

行今日勢如累卵禍急眉燃不思出險尚然如此講書即如
開講必須科道侍班倘議軍務則有沐國公皇親在豈翔泰
之獨君也言辭甚切吉翔亦無辯次日旨下着任國璽獻出
險策璽又一本云能主入緬必能主出緬今日時勢至此乃
卸肩於建言之人乎王祖望節居詔各本劾吉翔國泰內官
曰爾等上千萬本萬款亦是無用不五日傳禮部楊在講書
在要賜坐永曆允在見典璽李崇貴在旁不便次日亦賜坐
崇貴辭曰今雖亂世禮不可廢後日知者謂上賜坐不知者
以為欺幼主每講崇貴乃出一日東宮問在曰哀公何名在
無言可答二十三日緬酋弒兄奪位緬官來求賀禮眾不允
七月初六日護守緬官要通事來說我等已勞苦三載老皇

明史紀事本末卷之九十四
帝併列位大老爺亦當重謝我前年五月我王要害我爾們我力保之奈何至今全無犒賜卑員視金如命分文未與致緬官含怒而去十六日來傳請當事大臣數位過河議事各推不去十八日緬使來曰此行無他故我王子怕爾們立心不好請去吃呪水盟誓等爾衆人走動好作生意不然日用亦難十九日翔泰二人不論大小官俱拉去亦不留一二人侍上惟鄧凱足難行乃免及老弱內臣二三人亦免已刻約有兵三千將所札處圍住三十人擒一人盡殺之鄧凱侍永歷前俄傳聞洶洶永歷與中宮欲上吊鄧凱勸曰上死固然奈有太后年老將誰為靠乃止須臾兵馬入宮只搜取財帛而二貴人宮女及各官妻女等自縊甚多如樹掛瓜果狀慘

大興傅氏長恩閣鈔本

不可觀永歷與太子等二十五人聚在一小房內驚懼者二時忽通事引護守緬官至乃喝曰不可害皇上與沐國公彼時屍橫遍地緬官請移至沐國公房大小二百四十餘人併處一樓母子啼哭聲聞里許及三日幸有各寺緬僧私送飯食且悲哀不已乃知早去各官悉被所殺時惟沐國公王昇魏豹王啟隆各手及緬兵數人而死有皇親家小子名來安年十三歲被擒乃曰我有銀與爾曲腰假取銀拔小刀刺死一名始死八月十一日仍脩原所迎永歷入致安慰貢米蔬銅器等物二十五日又進鋪蓋銀布等物甚厚乃曰我王子實無此念因爾各營在外殺害地方民恨入骨乃衆民所舉也永歷病差醫調理大小男女無一不病死者甚多鄧凱于

亂後逢朔望及三六九日雖移步艱難必匍匐朝見十一月十八日永歷召鄧凱入宮曰太后病若天意不祐大清兵來也罷使太后骸骨得歸故里又言白文選我負了他多少功績未封他一親王馬寶未封他一郡王又言滇黔百姓我師在彼苦了多年今不知又作何狀十二月初三日未時有二三緬官來見永歷曰此地不便請移別所爾們兵將近我城我處發兵必由此過恐為驚動言未畢數十蠻子將永歷連杙子抬去太后悲哭震天行至二百步乃有轎三乘至太后等上轎大小男女未帶一人步行五里渡河到岸暗黑不知何兵二更到營始知為大清兵矣初四日歸老營初五日停息是晚鄧凱匍匐永歷

大興傅氏長恩閣鈔本

帳背曰今日事到此皇上當行一烈老臣亦得死所矣永歷曰固然有太后在且洪經略平西王世受我家恩未必有毒及我母子初六日拔老營復轉啞哇欲攻緬城未遂初九日長發歸滇一路大小俱與馬匹進永歷膳俱是金盆以下俱是銀碗永歷與東宮俱進新鮮鋪蓋內官宮女妻妾均與衣被頗為殷勤壬寅三月入滇城進膳服等物倍前四月初四日要鄧凱帶小子出外永歷與太中宮東宮等俱各默然不悅凱出分在鑲黃旗章京朝家凱隨削髮為僧入緬數年事皆凱所記也

明季遺聞拾遺

大興傅氏長恩閣鈔本

明季遺聞拾遺

三



